

ԳԵՎՈՐԳ ԲԵԳԼԱՐԻ ՋԱՀՈՒԿՅԱՆ

Ա.Յու.Սարգսյան

հայոց լեզվի և նրա դասավանդման մեթոդիկայի ամբիոն

Կյանքից հեռացավ աշխարհահռչակ լեզվաբան, ՀՀ ԳԱԱ ակադեմիկոս Գևորգ Բեգլարի Ջահուկյանը:

Գիտնականներին պայմանականորեն կարելի է բաժանել երկու խմբի: Առաջինները, բնության կողմից օժտված լինելով շնորհիվ և աշխատասիրությամբ ու ընտրելով գիտության որևէ բնագավառ, ժամանակի ընթացքում կարողանում են հաղթահարել մի շարք դժվարություններ և հասնել որոշակի բարձրության: Այդպիսի գիտնականները նույնպիսի հաջողության կարող էին հասնել նաև գիտության այլ բնագավառներում՝ նախապես ընտրելու դեպքում: Այլ կերպ պետք է գնահատել երկրորդ խմբի գիտնականներին, որոնց նախախնամությունը տվել է հզոր տաղանդ, և որոնք կարծես ստեղծվել են հենց տվյալ բնագավառի համար, ստեղծվել են, ուղեւորվել ինձն աշխարհը բնագավառի առաջատարները: Այդպիսիները եզակի են և, դեռևս երիտասարդ տարիքում հռչակվելով գիտական աշխարհում, մեծ պատիվ են բերում նաև այն ժողովրդին, որից սերել են: Թերևս նրանց կարելի է համեմատել ճանաչարհաշինարարության մեջ գործող այն հզոր տրակտորներին, որոնք, ճեղքելով հսկա ժայռերն ու բլուրները, աշխատելու հնարավորություն են ստեղծում իրենց կրտսեր «գործընկերներին» համար: Այդպիսի գիտնականներից է Գևորգ Բեգլարի Ջահուկյանը:

Գ. Բ. Ջահուկյանը ծնվել է 1920թ. ապրիլի 1-ին ՀՀ Կալինինոյի (Տաշիրի) շրջանի Շահնագար (Մեծավան) գյուղում: 1937թ. ավարտել է Նրևանի Շահումյանի անվան միջնակարգ դպրոցը, 1941թ. ԵՊՀ բանասիրական ֆակուլտետը: 1942-1943թթ. ծառայել է բանակում, որից հետո մեկ տարի որպես ուսուցիչ աշխատել Հրազդանի (Ախտալի) շրջանում: 1947թ. Գ. Ջահուկյանը Հր. Անտոյանի ղեկավարությամբ պաշտպանում է քեկնածուական ատենախոսություն «Քերականական և ուղղագրական աշխատությունները հին և միջնադարյան Հայաստանում» թեմայով, իսկ 1955թ. դոկտորական ատենախոսություն «Հայ լեզվաբանական միտքը և աշխարհաբանի հարցերը XVIII-XIXրդ» թեմայով: 1949թ. ստանում է յոգեմտի, 1958թ.՝ պրոֆեսորի, 1965թ.՝ գիտության վաստակավոր գործիչի կոչում: 1968թ. ընտրվել է ՀՀ ԳԱԱ քրթակից անդամ, 1974թ.՝ ակադեմիկոս, նույն թվականին՝ Եվրոպայի լեզվաբանական ընկերության անդամ, տարբեր տարիների արժանացել բազմաթիվ շքանշանների, պատվոգրերի, պարգևների:

Մեծ լեզվաբանի գիտամանկավարժական գործունեությունը սկսվում է ԵՊՀ-ում դեռևս 1945 թվականից: Շուրջ 60 տարիների ընթացքում նա մշակել և դասավանդել է բազմաթիվ առարկաներ՝ ժամանակակից հայոց լեզու, գրաբար, ընդհանուր լեզվաբանություն, համեմատական քերականություն, լեզվաբանության պատմություն, բարբառագիտություն, լատիներեն, գերմաներեն, հին հունարեն և այլն: 1948-1956թթ. Գ. Ջահուկյանը ղեկավարել է ԵՊՀ օտար լեզուների, 1957-1970թթ.՝ ռումանագերմանական բանասիրության ամբիոնը: Մեծ լեզվաբանի անուր սերունդն կազմված է ՀՀ ԳԱԱ լեզվաբանության ինստիտուտի հետ, որտեղ 1949-1950, 1959-1962թթ. աշխատել է որպես ավագ գիտաշխատող, իսկ 1962 թվականից մինչև կյանքի վերջը՝ ինստիտուտի տնօրեն: Նրա գիտական մեծ հեղինակության, կազմակերպչական ծիրի, փորձի և սկզբունքային վարքագծի շնորհիվ ինստիտուտում մեծ զարգացում ունեցան լեզվաբանության տարբեր բնագավառներ: Գ. Ջահուկյանի ղեկավարությամբ ուսումնառության յուրջ ուղի են անցել բազմաթիվ երիտասարդ մասնագետներ, որոնցից շատերն այսօր լեզվաբանության բնագավառում յուրջ ներդրում ունեն:

Մեծ է նաև նրա հասարակական գործունեությունը: Նրկար տարիներն ու անփոփոխ ղեկավարել է լեզվաբանության՝ գիտական աստիճաններ շնորհող խորհուրդը, լեզվի պետական տեսչությանը կից հայերենի բարձրագույն խորհուրդը, ակտիվորեն մասնակցել բազմաթիվ գիտաժողովների, համոլիալումների, քննարկումների:

Առավել արգասավոր է գիտնականի Ջահուկյանի գրիչը, բազմազան նրա գիտական հետաքրքրությունները և հետազոտությունների շրջանակները: Գրեթե չկա հայերենագիտության որևէ բնագավառ, որտեղ նա չունենա իր մեծ ավանդը: Անհնար է պատկերացնել հայերենի համեմատական քերականությունը առանց Գ. Ջահուկյանի գործունեության: 1959թ. հրատարակված «Հին հայերենի հոլովման սխառներ և նրա ծագումը» մենագրության մեջ ներկայացվում է գրաբարի հոլովական համակարգի համեմատական քննությունը, առանձնացվում հայերենի հոլովման բոլոր տիպերը, բացահայտվում հոլովման համակարգում բառի ուղիղ ձևի վրա նրա որևէ հոլովման պատկանելու օրինաչափությունները: 1967թ. հրատարակված «Ակնարկներ հայոց լեզվի նախագրային շրջանի պատմության» աշխատության մեջ ուսումնասիրության նյութ են դառնում հնդեվրոպական բառաշարի հիմնական և երկրորդական նստվածքները, պարզաբանվում հայերենի բաղաձայնական համակարգի սկզբունքները, քննվում հայերենի հնդեվրոպական հնաբանությունները, իսկ 1969թ. հրատարակված «Հայերենի և հնդեվրոպական հին լեզուները» սենագրության մեջ հեղինակը քննության է ենթարկում հայերենի վիտառնությունները Առաջավոր Ասիայի լեզուների հետ, հստակ տարբերակում այդ լեզուների

միջև եղած ծագումնաբանական ընդհանրությունները փոխառություններից, ուսումնասիրում հայերենի անհայտ ծագման բառապաշարը: Համեմատական քերականության բնագավառում հեղինակի երկարամյա հետազոտությունների արդյունքներն ամփոփված են «Հայերենի համեմատական քերականություն» (1982) մեծարժեք աշխատության մեջ, որտեղ ներկայացվում է հայերենի համեմատական ուսումնասիրության հարցի պատմությունը, քննարկվում լեզվական նյութի վերականգնման և նրա տեղաբաշխման հարցերը, բնութագրվում հայերենի տարածքային դիրքը, ամրանալու մշվում համեմատական հնչյունաբանության և ձևաբանության փաստերը: «Հայոց լեզվի պատմություն. նախագյային շրջան» (1987) հիմնարար աշխատության մեջ տրվում է հնդեվրոպական նախալեզվի, հնդեվրոպացիների կյանքի ու մշակույթի ընդհանուր բնութագիրը, դիտարկվում հայերենի հնդեվրոպական բաղադրիչները, ճշգրտվում հայերենի տեղը հնդեվրոպական բարբառների մեջ, ներկայացվում հնդեվրոպական միասնությունից հետո հայերենի անկախ գոյության վաղնջական պատկերը, հայերենի հնագույն շրջանի պատմությունը, V դարի լեզվավիճակի ձևավորումը, այլ լեզուների հետ հայերենի ունեցած մի շարք փոխանդություններ և այլ հարցեր: «Հայոց լեզվի զարգացումն ու կառուցվածքը» (1969) աշխատության մեջ տրվում է հայոց լեզվի գրավոր ժամանակաշրջանի պատմական զարգացման շարադրանքը և նրա պատմության շրջանաբաժանումը, իսկ աշխատության մյուս մասում, ինչպես նաև «Ժամանակակից հայերենի տեսության հիմունքներ» (1974) մենագրության մեջ ուշադրություն է դարձվում արդի հայերենի նկարագրության հարցերին: Վերջինս գրված է ավանդական քերականության նվաճումների և ժամանակակից կառուցվածքային լեզվաբանության քննադատական օգտագործման հիման վրա և մեծ նշանակություն ունի ոչ միայն հայերենագիտության, այլև ընդհանուր լեզվաբանության տեսակետից: Նման նշանակություն ունի նաև «Ժամանակակից հայերենի իմաստաբանություն և բառակազմություն» (1982) մենագրությունը, որտեղ հեղինակը նորոգվի է ներկայացնում իր մշակած համընդհանուր լեզվաբանական տեսությունը: Մեծ լեզվաբանին հետաքրքրել են տեսական լեզվաբանության բազմաթիվ կարևոր խնդիրներ: Նրա «Ընդհանուր և հայկական լեզվաբանություն» (1978) աշխատության մեջ նոր լուսաբանություն են ստանում լեզվի և խոսքի փոխհարաբեղական, քերականական կարգերի, լեզվաբանական հետազոտության մեթոդների, լեզվաբանության կառուցվածքի և մի շարք կարևոր այլ հիմնահարցեր: Ընդհանուր բնույթի աշխատությունների մեջ հատուկ ուշադրության է արժանի «Լեզվաբանության պատմություն» (1960-1962) երկխոսոր մենագրությունը, որն իր տեսակի մեջ համաշխարհային լեզվաբանության գլոբալիզացիայից է: Այստեղ հեղինակը շատադրել է լեզվաբանության պատմությունը սկզբնավորման շրջանից մինչև XX դարի կեսերը, ամբողջական կերպով ներկայացրել լեզվաբանության բոլոր շրջանները, տարբեր ժամանակներում առաջացած լեզվաբանական դպրոցներն ու ուղղությունները, մեթոդները, լուսաբանել համաշխարհային լեզվաբանության պատմության մեջ հայտնի լեզվաբանների հայացքները՝ դաստիարակելով իրեն ոչ միայն որպես խոշոր լեզվաբան, այլև որպես մեծ փիլիսոփա:

Անցյալի գիտական ժառանգության, հայ լեզվաբանական մտքի ուսումնասիրությանն են մվիված նաև «Քերականական և ուղղագրական աշխատությունները իրեն և միջնադարյան Հայաստանում» (1954), «Գրաբարի քերականության պատմություն» (1974) մենագրությունները:

Մեծ է Գ. Ջառուկյանի ներդրումը նաև բարբառագիտության բնագավառում: Նրա ուշադրությանն են արժանացել հայ բարբառների առաջացման, տեղաբաշխման, փոխհարաբեղությունների և այլ կարևոր հարցեր, իսկ «Հայ բարբառագիտության ներածություն» (1972) մենագրությունը կարելի է համարել հայ բարբառագիտության հանրագիտարանը: Այստեղ հեղինակը առաջ է քաշում դասակարգման նոր սկզբունք՝ բարբառների բազմահատկանիշ դասակարգման սկզբունքը՝ ինքը ընտրելով 100 տարբերակիչ հատկանիշ և դրանք տեղայնացնելով ըստ պատմական Հայաստանի և հայկական գաղթօջախների 120 բարբառախոս վայրերի: Աշխատության երկրորդ մասում քննվում են պատմական բարբառագիտության մի շարք կարևոր հարցեր: Աշխատության մեջ մեծ լեզվաբանը այլ բարբառների վայրում լուրջ ուշադրություն է դարձնում Գարաբաղի բարբառին՝ շուրջ մեկ տասնյակ խոսվածքներով: Վերջինիս Գ. Ջառուկյանն անդրադարձել է նաև «Արցախահայ բարբառի կազմավորման մասին» (1991) հոդվածում: Այս ամենով չեն պաշտվում Գ. Ջառուկյանի գիտական աշխատանքները: Նա հեղինակ է բազմաթիվ այլ աշխատությունների և հոդվածների, որոնցից յուրաքանչյուրը լուրջ ներդրում է լեզվաբանության բնագավառում: Մեծ հայերենագետը կյանքի վերջին տարիներին կազմել և գրեթե ավարտել է հասցրել նաև հայերենի ստուգաբանական նոր բառարանը: Ինչ սկզբունքներով է այն ստեղծվել հայտնի չէ, բայց որ այն հայերենագիտության և մի գլոբալիզացիոն է, պարտավոր ենք համոզված լինել:

Այդպիսին էր Գևորգ Բեգլարի Ջառուկյանը: Նա ուսուցչապետ էր, նորարար, լեզվաբանական դպրոցի հիմնադիր, առաջատար: Եվ քիչ է ասել մեծ, տաղանդավոր, հանճարեղ: Ամենից առաջ նա մի բայդ է անհատանելի երևույթ է, որի ժամանակակիցը լինելու փափագն ունեին նախորդ սերունդները, որի ժամանակակիցը չլինելու ավիտանքը կունենան հսգորդ սերունդները, իսկ մենք, որ նրա ժամանակակիցն էինք, կարծես դա չէինք գզում: